



ՊԵՇՏՈՆԵԿԵՆՔ

**ԱՄԵՆԱՅՆ ՀԱՅՈՑ ՎԵՀԱԾԱՆՈՐ ՀԱՅՐԱՊԵՏԻ
ՕՐՀՆՈՒԹՅԱՆ ԿՈՆԴԱԿԸ Տ. ԱՐԱՄԱՅԻՍ ԱՎԱԳ ՔԱՅԱՆԱ
ՄԻՐԶԱՅԱՆԻՆ**

**ՍԻՐԵՑԵԱԼ ՈՐԴԻՈՑ ՄԵՐՈՒՄ, ՍՊԱՍԱԻՈՐԻՆ
ՀԱՅԱՍՏԱՆԵԱՅՑ ԱՌԱՔԵԼԱԿԱՆ Ս. ԵԿԵՂԵՑԻՈՑ
ԵՒ ՀԱՐԱԶԱՏԻՆ ՄԱՅՐ ԱԹՈՌՈՅՍ ՍՐԲՈՑ ԷԶՄԻԱԾՆԻ
ՏԷՐ ԱՐԱՄԱՅԻՍ ԱԻԱԳ ՔԱՀԱՆԱՅ ՄԻՐԶԱՅԵԱՆԻ
ՈՐ Ի ՍԻՏՆԻ, յԱԻՍՏՐԱԼԻԱ**

Մեզի համար հոգեկամ ուրախություն եղաւ Ձեզ տեսնել մի անգամ ևս ի Սիտմի, յԱստրալիա, Մեր հովուապետական անդրանիկ այցելութեան առիթով (14-24 Փետրուար 1997):

Մենք տարիներ առաջ Ձեզ ճանչցած ենք և անձամբ վկայ եղած Ձեր տարած քահանայագործական աշխատանքներուն ի հոգևոր վայելումն Աստրալիոյ մեր սիրեցեալ և հաւատացեալ ժողովրդեան: Ընդ ջառասուն տարիներ Դուք անխոնջ ջանքերով և հետևողական շարունակականութեամբ Ձեր սպասող ընծայեցիք մանաւանդ մեր կազմատրուող Աստրալիայի գաղութին անոնց տեղատրման և կեանքի վերականգնման այնքան կարևոր ջրջամին:

Այժմ երբ յառաջացեալ տարիքի բերումով համզատեան էք կոչուած, Ձեր քահանայական ձեռնադրութեան 50-ամեակին առիթով, Մենք որպէս գնահատութիւն Ձեր բազում տարիներու յոգնաջան վաստակին, և ընդառաջելով Աստրալիոյ և Նոր Զելանդիայի Հայոց Առաջնորդ՝ Գերաշնորհ Տ. Աղան Արքեպ. Պալիօզեանի և Թեմական խորհուրդին խնդրանքին, Ձեզի կը շնորհենք սոյն Հայրապետական ՕՐՀՆՈՒԹԵԱՆ ԿՈՆԴԱԿԸ որպէս բարոյական վարձատրութիւն Ձեր երկարամեայ և օգտաշատ քահանայական գործունէութեան:

Կ'աղօթենք առ Բարձրեալն Աստուած, որ Ձեզի, Ձեր երեցկնոջ և զաւակներուն շնորհէ երջանկայից երկար կեանք ի խնամս մարդասիրութեան իւրոյ:

Ողջ լերուք ի Տէր, գօրացեալ շնորհօք Ս. Հոգւոյն, և յաւետ օրինեալ ի Մենք. Ամէն:

**ԳԱՐԵԳԻՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՑ**

Տուաւ Կոնդակս ի 8 Ապրիլի
Թամր Տեառն 1997 և ի թուին Հայոց ՌՆԽԶ
ի Մայրավանս Սրբոյ Էջմիածնի
Ընդ համարաւ Է/ 83 :